

არასამეწარმეო (არაკომერციული) იურიდიული პირის „გორის მუნიციპალიტეტის ტრანსპორტის სააგენტოს“ წესდება

მუხლი 1. ზოგადი დებულებანი

1. არასამეწარმეო (არაკომერციული) იურიდიული პირი „გორის მუნიციპალიტეტის ტრანსპორტის სააგენტო“ (შემდგომში სააგენტო) მოქმედებს საქართველოს კონსტიტუციის, საქართველოს ორგანული კანონის „ადგილობრივი თვითმმართველობის კოდექსის“, საქართველოს სხვა საკანონმდებლო და კანონქვემდებარე ნორმატიული აქტების, გორის მუნიციპალიტეტის წარმომადგენლობითი და აღმასრულებელი ორგანოების სამართლებრივი აქტებისა და წინამდებარე წესდების შესაბამისად.
2. სააგენტოს ორგანიზაციულ - სამართლებრივი ფორმაა არასამეწარმეო (არაკომერციული) იურიდიული პირი.
3. სააგენტო თავისი მიზნებიდან გამომდინარე მოქმედებს როგორც საქართველოს მთელ ტერიტორიაზე ასევე მის საზღვრებს გარეთ.
4. სააგენტოს გააჩნია იურიდიული პირისთვის საჭირო ყველა ატრიბუტი, ბეჭედი შტამპი, ანგარიშსწორებისა და სხვა სახის ანგარიშები სათანადო დაწესებულებებში.
5. სააგენტო შექმნილია განუსაზღვრელი ვადით.
6. სააგენტოს სრული სახელწოდებაა არასამეწარმეო (არაკომერციული) იურიდიული პირი „გორის მუნიციპალიტეტის ტრანსპორტის სააგენტო“.
7. სააგენტოს ელექტრონული ფოსტის მისამართია : tsaagento@gmail.com
8. სააგენტოს იურიდიული მისამართია: საქართველო, ქ. გორი, შინდისის გმირების გზატკეცილი მე-2 კილომეტრი.

მუხლი 2. სააგენტოს მიზნები და ამოცანები

1. სააგენტოს მიზნები და ამოცანები:
 - ა) გორის მუნიციპალიტეტის ადმინისტრაციულ საზღვრებში სატრანსპორტო გადაყვანის ორგანიზება.
 - ბ) სატრანსპორტო გადაყვანასთან დაკავშირებული სააკანონმდებლო აქტების შესაბამისად , გორის მუნიციპალიტეტის საკრებულოს/მერიის სამართლებრივი აქტებით მინიჭებული უფლებამოსილებების განხორციელება..
 - გ) საქართველოში მოქმედი კანონმდებლობის შესაბამისად, დამფუძნებლის წერილობითი დავალების საფუძველზე განსაზღვრული სხვა ფუნქციების შესრულება.
3. თავისი მიზნების განსახორციელებლად სააგენტო კანონით დადგენილი წესით:
 - ა) ამყარებს პარტნიორულ ურთიერთობებს ადგილობრივ და უცხოურ ორგანიზაციებთან.
 - ბ) ფლობს, იძენს და განკარგავს ქონებას.
 - გ) შეიძლება იყოს მოსარჩელე და მოპასუხე სასამართლოში, კერძო არბიტრაჟში.
4. სააგენტოს შეუძლია განახორციელოს სამეწარმეო საქმიანობა, რაც არ იკრძალება საქართველოს კანონმდებლობით, ატარებს დამხმარე ხასიათს, საქმიანობიდან მოგება უნდა მოხმარდეს სააგენტოს მიზნების განხორციელებას.

მუხლი 3. სააგენტოს სტრუქტურა



1. სააგენტო შედგება შემდეგი სამსახურებისგან:

- ა) გორის მუნიციპალიტეტის ტრანსპორტის სააგენტოს ადმინისტრაციული სამსახური.
- ბ) გორის მუნიციპალიტეტის ტრანსპორტის სააგენტოს ექსპლუატაციის სამსახური .
- გ) გორის მუნიციპალიტეტის ტრანსპორტის სააგენტოს მონიტორინგის სამსახური .

2. სააგენტოს სამსახურების საქმიანობას დირექტორთან კოორდინირებით წარმართავენ სამსახურის უფროსები. რომლებსაც გორის მუნიციპალიტეტის მერთან შეთანხმებით თანამდებობაზე ნიშნავს და ათავისუფლებს სააგენტოს ხელმძღვანელი.

3. სააგენტოს სამსახურების ფუნქციები განისაზღვრება სამუშაო აღწერილობებით, რომელსაც შესაბამისი სამსახურის უფროსთან კოორდინირებით ამტკიცებს სააგენტოს დირექტორი.

მუხლი 4 სააგენტოს მართვა

1. სააგენტოს ხელმძღვანელობს დირექტორი , რომელსაც თანამდებობაზე ნიშნავს და ათავისუფლებს გორის მუნიციპალიტეტის მერი.

2. სააგენტოს დირექტორს ყავს მოადგილე რომელსაც გორის მუნიციპალიტეტის მერთან შეთანხმებით თანამდებობაზე ნიშნავს და ათავისუფლებს სააგენტოს დირექტორი.

3. სააგენტოს დირექტორი:

ა) ხელმძღვანელობს და წარმართავს სააგენტოს საქმიანობას საწესდებო მიზნების მისაღწევად.

ბ) ხელს აწერს სააგენტოს ოფიციალურ, მათ შორის ფინანსურ დოკუმენტებს.

გ) წარმოადგენს სააგენტოს სხვა პირებთან ურთიერთობაში.

დ) ახორციელებს სააგენტოს ფინანსური სახსრებისა და სხვა მატერიალური ქონების ოპერატიულ მართვას, მართლზომიერად გამოყენებასა და მოვლა-პატრონობას.

ე) გორის მუნიციპალიტეტის მერთან შეთანხმებით ამტკიცებს სააგენტოს საშტატო განრიგს .

ვ) ამტკიცებს სააგენტოს შინაგანაწესს, განსაზღვრავს სააგენტოს სტრუქტურული ერთეულების ფუნქციებს და შეიმუშავებს მათ სამუშაო აღწერილობებსა და თანამდებობრივ ინსტრუქციებს.

ზ) მერთან შეთანხმებით თანამდებობაზე ნიშნავს და ათავისუფლებს დირექტორის მოადგილესა და სამსახურის უფროსებს. თანამდებობაზე ნიშნავს და ათავისუფლებს სააგენტოს თანამშრომლებს;

თ) სააგენტოს სამსახურის უფროსებთან შეთანხმებით ადგენს სხვადასხვა სახის ღონისძიებათა კალენდარს და უზრუნველყოფს მათ გამართულად ჩატარებას.

ი) ასრულებს ამ წესდებით მასზე დაკისრებულ მოვალეობებსა და კანონით აუკრძალავ სხვა ფუნქციებს.

ლ) პასუხისმგებელია გორის მუნიციპალიტეტის მერის წინაშე.

მ) მუნიციპალიტეტის მერს წელიწადში ერთხელ წარუდგენს ანგარიშს გაწეული სამუშაოს შესახებ.

3. სააგენტოს დირექტორი თავისი უფლებამოსილებების შესასრულებლად გამოსცემს ბრძანებებს.

4. სააგენტოს დირექტორის არყოფნის შემთხვევაში, გორის მუნიციპალიტეტის მერთან შეთანხმებით, სააგენტოს დირექტორის მოვალეობას ასრულებს მოადგილე.

5. დირექტორის უფლებამოსილების ვადამდე შეწყვეტა მის მიერ წესდებით განსაზღვრული მიზნებისა და ამოცანების არაჯეროვანი და არასრულფასოვანი შესრულების, უფლებამოსილების გადაჩეტიების ან სააგენტოს საწესდებო მიზნებთან შეუსაბამო საქციელისთვის შეუძლია გორის მუნიციპალიტეტის მერს. ასეთ შემთხვევაში ერთი თვის ვადაში ინიშნება სააგენტოს ახალი დირექტორი.

6. სააგენტოში დასაქმებულ თანამშრომელთა უფლებამოსილებები განისაზღვრება წინამდებარე წესდებით, სააგენტოს სამუშაო აღწერილობებით, თანამდებობრივი ინსტრუქციებითა და შრომის შინაგანაწესით.



მუხლი 5. სააგენტოს ქონება

1. სააგენტოს შეიძლება საკუთრებაში ჰქონდეს შენობები, ნაგებობები, სატრანსპორტო საშუალებები, ფულადი აქციები და მოძრავი ქონება, რაც ესაჭიროება თავისი საქმიანობის განსახორციელებლად.

2. სააგენტოს ქონება იქმნება სხვადასხვა შენატანების, პირთა შემოწირულობებისგან, აგრეთვე კანონმდებლობით ნებადართული სხვა შემოსავლებიდან.

მუხლი 6. სააგენტოს საქმიანობის შეწყვეტა

1. სააგენტოს ლიკვიდაცია/რეორგანიზაცია და ლიკვიდაციის შედეგად დარჩენილი ქონების განაწილება ხდება საქართველოს კანონმდებლობით დადგენილი წესით.

მუხლი 7. სააგენტოს წესდებაში ცვლილებების შეტანის წესი

1. წესდებაში ცვლილებებისა და დამატებების შეტანა ხდება დამფუძნებლის მეშვეობით საქართველოს კანონმდებლობით დადგენილი წესით.

მუხლი 8. დასკვნითი დებულებები

1. წინამდებარე წესდება ძალაში შედის დამფუძნებლის მიერ წესდების დამტკიცების შესახებ ბრძანების ამოქმედების და საჯარო რეესტრის ეროვნულ სააგენტოში რეგისტრაციის დღიდან.
2. თუ ამ წესდების რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.
3. ამ წესდებასა და საქართველოს მოქმედ კანონმდებლობას შორის შეუსაბამობის შემთხვევაში მოქმედებს საქართველოს კანონმდებლობით განსაზღვრული ნორმები.

მუხლი 9. დამფუძნებელი

1. სააგენტოს დამფუძნებელია გორის მუნიციპალიტეტი ს/კ 218086087

